

լինի Դարբանդ, և մեծին Պետրոսի նման մինչանաբան թողած լինի իրեն գալստեանը յիշատակ, ինչ և իցէ Դարբանդի բերդը քանի անգամ նորոգուած է երեւում, ինչպէս հետքերը ցոյց են տալի. և վերելը յիշած արապական արձանագրութիւնից երեւում է, որ Արապացիք կամ Ալանք և կամ Աղուանք նորոգած լինին, բայց աւելի հաւանական է, որ Աղուանք շինած լինին բերդը և նորոգած, զոր օրինակ՝ Վաչական և Ջուանշիր, որք մեծագործութեամբ հռչակուած են պատմութեան մէջ:

Այս մասին դարձեալ գիմելու է ազգային և ընդհանուր պատմութեանը, և մանաւանդ Աղուանից սշատմութեանը: Այս բերդաքաղաքը Դարբանդ շատ անգամ շատ դարերում եղել է թատրօն ողբերգութեան քանի քանի ազգերի՝ Հայոց, Աղուանից, Ալանաց, Հոնաց, Եգերաց, Պարսից, Արապացւոց, Թաթարաց և Հաղարացւոց, ուստի և երբեմն շէնացել և երբեմն ամայացել է: Պարսից պատմութիւնը (Դարբանդ — Նամէ) աշխատում է միշտ պարսից սեպհականացնել այս բերդի շինութիւնը, ինչպէս և ամեն նշանաւոր շինուածքներն: Ուստի և զրում է թէ «Պաւատ պարսից թագաւորը հալածելով Չաչաններին Խաքան թագաւորին՝ զբաւեց Դարբանդ քաղաքը», և թէ «Յագկերտ հալածեց Լեզկիներին և առաւ Դարբանդը»:

Եւս թէ «Մահմէտ մարգարէի հրամանաւն Սարման զօրապետը անաղին բազմութեամբ զօրաց այս կողմերը արշաւելով հալածեց Պարսից և Լեզկիներին ու առաւ Դարբանդ բերդը, և հրամայեց երկաթի դուռն քցել բերդի վրայ իրբեւ ամբութեան նշան, և անուանել այնուհետեւ Դամիր Ա՛փի, և պահել իրբեւ դուռն և կապանք Պարսկաստանի և Աղուանստանի, հիւսիսական ազգերի յարձակմունքների առաջն առնելոյ համար, և այն ժամանակից (զրում է Դարբանդ Նամէն) Մահմէդական կրօնը տարածեց Պարսկաստանում և Աղուանստանում Ալիական շիա ազանդով: Յետոյ գալիս է Օմարի հրամանաւն Աբի Մուսուլ Հաղարացի զօրապետը օսմանցի, և իշխելով Դարբանդին տարածում է Օմարական սիւննի ազանդը, որ ընդունում են և ամեն լեռնական ազգերն: (Գրում է Դարբանդ Նամէն) Հաղարացիներից մեծ կոտորածով լւրում են Խազիրք (Չաչաններն) և ամ-